

Temeljem članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona", broj 7/10), Vlada Zeničko-dobojskog kantona, na prijedlog Ministarstva za braniteljska pitanja, na 140. sjednici, održanoj dana 12.04.2018.godine, donosi

ZAKLJUČAK

I.

Prihvata se Informacija o realizaciji programa poticaja upošljavanja i samoupošljavanja pripadnika braniteljske populacije u 2017. godini, Ministarstva za braniteljska pitanja kao obrađivača.

II.

Informacija iz točke I ovog Zaključka, nalazi se u prilogu i čini sastavni dio Zaključka.

III.

Zaključak stupa na snagu danom donošenja.

Broj: 02-_____/18.

Datum, 12.04.2018. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za braniteljska pitanja,

1x a/a.

Bosna i Hercegovina
Federacija Bosne i Hercegovine
Zeničko-dobojski kanton

MINISTARSTVO ZA BRANITELJSKA PITANJA

INFORMACIJA

o realizaciji programâ poticaja upošljavanja i samoupošljavanja pripadnika braniteljske populacije u 2017. godini

Zenica, travanj 2018. godine

I. UVOD

Ministarstvo za braniteljska pitanja od svog osnutka prati potrebe braniteljske populacije, uvodeći i realizirajući procedure kojima se ostvaruju kako prava koja su zajamčena osnovnim Zakonom, Zakonom o pravima branitelja i članova njihovih obitelji ("Službene novine Federacije Bosne i Hercegovine" broj 33/04, 72/07 i 9/10), tako i realizacija dopunskih prava ove kategorije.

Poglavljem IV Zakona o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14) određen je način osiguranja povoljnijih uvjeta upošljavanja pripadnika braniteljske populacije. Ovo pravo u proteklom periodu prvenstveno je korišteno kroz sredstva odobravana kreditnom linijom Ministarstva, te kroz davanje prednosti pri upošljavanju primjenom članka 15. navedenog Zakona.

Program realizacije poticajnih mjera zapošljavanja iz 2015.godine, sufinancirao je nabavku sadnica malina, te se pokazao uspješnim, ali i ograničavajućim po pitanju poljoprivredne kulture čiji je uzgoj poticao kao i fokusiranjem na poljoprivredu. Zahtjevi koji su pristizali u Ministarstvo pokazali su opredjeljenost braniteljske populacije da samostalno osigura vlastito uposlenje i kroz druge vidove proizvodnih i uslužnih djelatnosti.

Programi poticaja upošljavanja i samoupošljavanja Ministarstva za braniteljska pitanja, razvijeni su direktno iz zahtjeva pripadnika braniteljske populacije, te su prvi put pokrenuti 2016.godine kao rezultat:

- jasnog opredjeljenja postojeće Vlade o poticaju razvoja privrede;
- osiguranja sredstava na razdjelu Ministarstva;
- analize provedenog Programa realizacije poticajnih mjera zapošljavanja pripadnika braniteljske populacije Ministarstva za boračka pitanja Zeničko-dobojskog kantona iz prethodne godine;
- analize zahtjeva iz prethodnih godina koji su pristizali u Ministarstvo, a na kojima su pripadnici braniteljske populacije iznosili potrebu za poticajnim sredstvima kojima bi započeli, održali ili potakli vlastitu proizvodnju te osigurali kako svoju tako i egzistenciju svojih obitelji.

Programi realizacije poticajnih mjera realizirani u 2016.godini (Program poticaja upošljavanja pripadnika braniteljske populacije Zeničko-dobojskog kantona putem upošljavanja u pravnim osobama Ministarstva za braniteljska pitanja broj:02-34-8149/16 od 07.04.2016.godine; Program poticaja samoupošljavanja pripadnika braniteljske populacije Zeničko-dobojskog kantona Ministarstva za braniteljska pitanja broj:02-34-8150/16 od 07.04.2016.godine) pokazali su kako za iste postoji interes pripadnika braniteljske populacije te je analizirajući rezultate ostvarene istim odlučeno nastaviti sa predmetnim Programima i u 2017.godini.

II. ZAKONSKA REGULATIVA

- Zakon o pravima branitelja i članova njihovih obitelji ("Službene novine Federacije Bosne i Hercegovine" broj 33/04, 72/07 i 9/10);
- Zakon o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14);
- Program poticaja upošljavanja pripadnika braniteljske populacije Zeničko-dobojskog kantona putem upošljavanja u pravnim osobama Ministarstva za braniteljska pitanja broj:02-34-6685/17 od 26.04.2017.godine;
- Program poticaja samoupošljavanja pripadnika braniteljske populacije Zeničko-dobojskog kantona Ministarstva za braniteljska pitanja broj:02-34-6686/17 od 26.04.2017.godine.

III. PROGRAMI POTICAJA

Usvajanjem Proračuna Zeničko-dobojskog kantona za 2017.godinu ("Službene novine Zeničko-dobojskog kantona" broj 15/16) određena su sredstva raspoloživa za ovu namjenu, ista su stavljena na raspolaganje na razdjelu 24 – Ministarstvo za braniteljska pitanja, 614200OAD222 - transfer za poticaj zapošljavanja branilaca i članova njihovih obitelji. Zakonom o izvršenju Proračuna Zeničko-dobojskog kantona za 2017.godinu ("Službene novine Zeničko-dobojskog kantona" broj 15/16) u članu 38. naloženo je donošenje Programa utroška sredstava Ministarstva za braniteljska pitanja od strane Vlade Zeničko-dobojskog kantona.

Program utroška sredstava iz Proračuna Kantona za 2017. godinu planiranih na razdjelu Ministarstva za braniteljska pitanja usvojen Zaključkom Vlade broj 02-14-2481/17 od 23.02.2017. godine u članku 3. točka o) naložio je izradu Programa poticaja upošljavanja i poticaja samoupošljavanja pripadnika braniteljske populacije sa sljedećim iznosima:

- Program poticaja upošljavanja pripadnika braniteljske populacije Zeničko-dobojskog kantona putem upošljavanja u pravnim osobama u iznosu od 700.000,00KM;
- Program poticaja samoupošljavanja pripadnika braniteljske populacije Zeničko-dobojskog kantona Ministarstva za braniteljska pitanja u iznosu od 600.000,00KM.

Ministarstvo je zadržalo pravo izmjene raspodjele sredstava po Programima u slučaju povećanog broja zahtjeva po jednom Programu, praćeno manjim brojem zahtjeva po drugim Programima.

Na sjednici od 26.04.2017.godine Vlada Zeničko-dobojskog kantona usvojila je navedene Programe poticaja čime je stvoren pravni osnov za provođenje istih.

Programi su imali za cilj smanjenje neuposlenosti braniteljske populacije s posebnim osvrtom na rješavanje pitanja egzistencije pripadnika braniteljske populacije i članova njihovih obitelji, te poboljšanje ukupne socio – ekonomske slike lokalnih zajednica i ZDK u cjelini.

Za suradnike u provedbi Programa određene su službe braniteljsko-invalidske zaštite općina kantona, privredni subjekti i Zavod za upošljavanje ZDK.

Ciljna grupa su pripadnici braniteljske populacije iz članka 3. i 4. Zakona o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14). Odnosno, zahtjeve za poticajna sredstva mogli su podnijeti:

- Dobitnici ratnih odličja;
- Ratni vojni invalidi;
- Razvojačeni branitelji, koji su u Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine, osim osoba koje su OS pristupile kao malodobne ili neposredno po punoljetstvu, a sa minimalno 12 mjeseci provedenih u OS RBiH;
- Djeca poginulih branitelja do 35 godina života, djeca umrlih RVI i djeca umrlih nositelja najviših ratnih odličja, do navršanih 30 godina života;
- Udovice poginulih branitelja;
- Udovica ratnog vojnog invalida koji je Oružanim snagama RBiH proveo najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti;
- Djeca umrlih razvojačenih branitelja koji su Oružanim snagama RBiH proveli najmanje 24 mjeseca u periodu od 06.04.1992. do 23.12.1995. godine koja su sa istim živjela u zajedničkom kućanstvu ili ih je isti izdržavao najmanje posljednju godinu dana prije smrti, do navršanih 30 godina života;

- Udovica umrlog razvojačenog branitelja koji je Oružanim snagama RBiH proveo najmanje 24 mjeseca u periodu od 06.04.1992. do 23.12.1995. godine i koja je sa istim živjela u braku najmanje dvije posljednje godine dana prije smrti.
- U posebnim slučajevima, razvojačeni branitelji, koji su u Oružanim snagama RBiH proveli najmanje 18 mjeseci u periodu od 06.04.1992. do 23.12.1995. godine.

Programi upošljavanja težili su potaći pripadnike braniteljske populacije na samostalno i proaktivno djelovanje. Program poticaja upošljavanja koncipiran je na način kojim su aplikanti samostalno birali poduzeće kojem će se ponuditi kao djelatnik, samostalno prikupljali potrebitu dokumentaciju, te od potencijalnog poslodavca dostavljali potvrde o urednom izmirenju doprinosa i poreza.

Program poticaja samoupošljavanja nudio je tri varijante:

- za osobe kojima je potreban podstrek prilikom pokretanja poljoprivrednih gazdinstava;
- za osobe koje su već pokrenule neku vrstu samostalne djelatnosti;
- te za osobe koje su već korisnici Programa poticaja samoupošljavanja u 2016.godini, a koji su svojim zalaganjem ostvarile nadprosječne poslovne rezultate, te koje imaju plan proširenja poslovne djelatnosti.

Program nije ograničio djelatnost niti definirao poljoprivrednu kulturu čiji će se uzgoj poticati.

Program poticaja upošljavanja pripadnika braniteljske populacije Zeničko-dobojskog kantona putem upošljavanja u pravnim osobama Ministarstva za braniteljska pitanja

Realiziran je odobravanjem novčanih sredstava pravnim osobama i poslovnicama pravnih osoba registriranim na području ZDK, a po podnešenim zahtjevima pripadnika braniteljske populacije.

Visina sredstava na ime upošljavanja osoba iz ciljne grupe po jednom novouposlenom iznosi 6.000,00 KM (za: NK, KV, SSS, VŠS) odnosno 7.200,00 KM (VSS i više), dok je trajanje ugovora o uposlenju određeno na minimalno 24 mjeseca.

Kriteriji za aplikante su:

- pripadnost braniteljskoj populaciji,
- prebivalište na teritoriji ZDK u trajanju od najmanje 24 mjeseca prije podnošenja zahtjeva, osim povratnika u RS;
- da se nalaze na evidenciji neuposlenih osoba kod službe za zapošljavanje ZDK, u trajanju od najmanje šest mjeseci prije podnošenja zahtjeva; ili ne kraće od 3 mjeseca uz pismeno obrazloženje podositelja zahtjeva sa navedenim razlogom otkaza u prethodnom zaposlenju; te ako je zahtjev za poticaj podnešen neposredno po završetku redovnog školovanja;
- nepostojanje poreskih obveza.

Potencijalni poslodavac trebao je dokazati ispunjenost obveza u vezi sa plaćanjem mirovinskog, invalidskog i zdravstvenog osiguranja; izravnih i neizravnih poreza, a u skladu sa važećim propisima.

Program poticaja samoupošljavanja pripadnika braniteljske populacije Zeničko-dobojskog kantona Ministarstva za braniteljska pitanja

Realiziran je kroz:

- varijantu A gdje su odobravana sredstva u iznosu od 3.000,00KM u slučaju kada podnosilac zahtjeva nije osnovao poljoprivredni obrt.

- varijantu B gdje su odobravana sredstva u iznosu od 7.000,00KM u slučaju kada je podnositelj zahtjeva, po raspisanom javnom pozivu ovog Programa, registrirao planiranu djelatnost ne ranije od 13.05.2016.godine.

Kriteriji za aplikante su (varijanta A i B):

- pripadnost braniteljskoj populaciji,
- prebivalište na teritoriji ZDK u trajanju od najmanje 24 mjeseca prije podnošenja zahtjeva, osim povratnika u RS;
- nepostojanje poreskih obveza;
- nesmetano raspolaganje resursima potrebitim za bavljenje planiranim poslovanjem; upis u Registar poljoprivrednih gazdinstava – za aplikante za poljoprivrednu proizvodnju; financijsko učešće korisnika u projektu.

Dodatni kriteriji za varijantu A:

- da se nalaze na evidenciji neuposlenih osoba kod službe za zapošljavanje ZDK, u trajanju od najmanje šest mjeseci prije podnošenja zahtjeva; ili ne kraće od 3 mjeseca uz pismeno obrazloženje podositelja zahtjeva sa navedenim razlogom otkaza u prethodnom zaposlenju ili je zahtjev za poticaj podnešen neposredno po završetku redovnog školovanja;

Dodatni kriteriji za varijantu B:

- registracija planirane poslovne aktivnosti;
- poslovni plan.

Prema usvojenom Programu samozapošljavanja iz 2017.godine korisnici sredstava poticaja za varijantu „A“ u 2106.godini, nakon razvoja svoje djelatnosti i registracije iste, imali su mogućnost podnošenja zahtjeva za varijantu „B“. Istima se odobravala razlika sredstava, odnosno iznos od 4.000,00KM.

IV. TIJEK PROVEDBE PROGRAMA

Javni oglas po Programima objavljen je 16.05.2017.godine na internet portalu Kantona, oglasnim pločama općina Kantona i braniteljskih udruga. Na istome je navedena potrebna dokumentacija, sa rokom prijave do 16.06.2017.godine.

Ponovljeni javni oglas po Programu za poticaj upošljavanja pripadnika braniteljske populacije Zeničko-dobojskog kantona putem upošljavanja u pravnim osobama objavljen je 26.09.2017. sa rokom prijave do 16.10.2017.godine.

Općinske službe braniteljsko-invalidske zaštite zaprimale su zahtjeve u ostavljenom roku, te o potpunosti istih odlučivale na sastancima imenovanih komisija. Prema Instrukciji Ministarstva o provedbi Programa poticaja upošljavanja pripadnika braniteljske populacije Zeničko-dobojskog kantona broj: 13/03-3-1-34-5666-2/17 od 11.05.2017. godine i 13/03-3-1-34-5666-61/17 od 22.09.2017. godine, te Instrukciji o provođenju Programa poticaja samoupošljavanja pripadnika branilačke populacije Zeničko-dobojskog kantona broj: 13/03-3-1-14-5667-2/17 od 11.05.2017.godine nakon zaprimanja zahtjeva općinske službe su nepotpune zahtjeve odbacile obaviješću. Podnosioci odbacjenih zahtjeva imali su pravo podnošenja zahtjeva za preispitivanjem. Lista uspješnih kandidata objavljena je na općinskim oglasnim pločama.

Aplikanti na program upošljavanja čiji su zahtjevi ocijenjeni urednima bili su pozvani preuzeti obrazac Ugovora o uposlenju između poslodavca, Ministarstva i uposlenika. Istima je ostavljen rok od 15 dana potpisati ugovor dostaviti nadležnoj službi. Ovako kompletirani predmeti dostavljeni su u Ministarstvo na odlučivanje.

Općinske komisije imenovane za provođenje Programa poticaja samoupošljavanja imale su za obvezu izvršiti terensku provjeru podnesenih zahtjeva uz izradu zapisnika i fotografija, te ovako kompletirane predmete dostaviti u Ministarstvo na odlučivanje. Ministarstvo je zadržalo pravo tražiti dopunu dokumentacije ili nove dokaze od podnosioca zahtjeva, a u svrhu dokazivanja opravdanosti predmetnog zahtjeva.

Tabela 1. Pregled podnešenih zahtjeva prema programima i općinama Kantona

Općina	Program upošljavanja	Program samozapošljavanja -A	Program samozapošljavanja -B	Ukupno
Breza	2	3	1	6
Doboj Jug	2	0	3	5
Kakanj	4	1	11	16
Maglaj	11	5	11	27
Olovo	2	3	1	6
Tešanj	28	8	20	56
Usora	2	0	0	2
Vareš	2	9	2	13
Visoko	3	1	12	16
Zavidovići	7	5	8	20
Zenica	19	13	14	46
Žepče	8	5	11	24
Ukupno	90	53	94	237

V. PREGLED ODOBRENIH POTICAJA

Tabela 2. Pregled odobrenih zahtjeva prema programima i općinama Kantona

Općina	Program upošljavanja	Program samoupošljavanja -A	Program samoupošljavanja -B	Ukupno
Breza	2	3	0	5
Doboj Jug	2	0	3	5
Kakanj	3	1	10	14
Maglaj	9	5	11	25
Olovo	1	2	1	4
Tešanj	27	8	20	55
Usora	2	0	0	2
Vareš	2	7	2	11
Visoko	3	0	11	14
Zavidovići	6	4	8	18
Zenica	12	11	11	34
Žepče	6	3	9	18
Ukupno	75	44	86	205

Tabela 3. Pregled odobrenih sredstava prema programima i općinama Kantona

Općina	Program upošljavanja	Program samoupošljavanja -A	Program samoupošljavanja -B	Ukupno
Breza	13.200,00	9.000,00	0,00	22.200,00
Doboj Jug	12.000,00	0,00	21.000,00	33.000,00
Kakanj	20.400,00	3.000,00	70.000,00	93.400,00
Maglaj	56.400,00	15.000,00	74.000,00	145.400,00
Olovo	7.200,00	6.000,00	7.000,00	20.200,00
Tešanj	164.400,00	24.000,00	137.000,00	325.400,00
Usora	12.000,00	0,00	0,00	12.000,00
Vareš	12.000,00	21.000,00	8.000,00	41.000,00
Visoko	19.200,00	0,00	77.000,00	96.200,00
Zavidovići	30.250,00	12.000,00	56.000,00	98.250,00
Zenica	73.200,00	33.000,00	77.000,00	183.200,00
Žepče	36.000,00	9.000,00	51.000,00	96.000,00
Ukupno	456.250,00	132.000,00	578.000,00	1.166.250,00

Graf 1. Struktura odobrenih sredstava prema Programima




Tabela 4. Pregled odobrenih zahtjeva prema Programima, kategorijama korisnika i općinama Kantona

Općina	Upošljavanje				Samoupošljavanje A				Samoupošljavanje B				Ukupno
	DB	PPB	RVI	DRP/O	DB	PPB	RVI	DRP/O	DB	PPB	RVI	DRP/O	
Breza	1	1	0	0	3	0	0	0	0	0	0	0	5
Doboj Jug	2	0	0	0	0	0	0	0	3	0	0	0	5
Kakanj	1	2	0	0	1	0	0	0	6	2	2	0	14
Maglaj	5	2	1	1	5	0	0	0	10	0	1	0	25
Olovo	1	0	0	0	2	0	0	0	1	0	0	0	4
Tešanj	25	2	0	0	8	0	0	0	17	0	3	0	55
Usora	2	0	0	0	0	0	0	0	0	0	0	0	2
Vareš	2	0	0	0	6	0	1	0	1	0	1	0	11
Visoko	2	1	0	0	0	0	0	0	11	0	0	0	14
Zavidovići	5	0	1	0	4	0	0	0	8	0	0	0	18
Zenica	9	2	1	0	11	0	0	0	9	1	1	0	34
Žepče	3	0	2	1	2	0	1	0	9	0	0	0	18
Ukupno	58	10	5	2	42	0	2	0	75	3	8	0	205


Tabela 5. – Pregled odobrenih zahtjeva prema kategorijama korisnika

Kategorija	Program upošljavanja	Program samoupošljavanja -A	Program samoupošljavanja -B	Ukupno
DB	58	42	75	175
PPB	10	0	3	13
RVI	5	2	8	15
DRP/O	2	0	0	2
Ukupno	75	44	86	205

DB – razvojačeni branitelji
 DRP/O– nositelji ratnih priznanja

PPB – članovi obitelji poginulih
 RVI – ratni vojni invalidi

Graf 2. Struktura odobrenih zahtjeva prema kategorijama korisnika



VI. NADZOR NAD PROVEDBOM PROGRAMÂ

Prema Instrukcijama Ministarstva o provedbi Programa poticaja upošljavanja pripadnika braniteljske populacije Zeničko-dobojskog kantona broj: 13/03-3-1-34-5666-2/17 od 11.05.2017. g. i 13/03-3-1-34-5666-61/17 od 22.09.2017.godine, općinske službe braniteljsko-invalidske zaštite dužne su na mjesečnoj osnovi od poslodavaca zaprimati: specifikacije plaća ovjerene u Poreznoj upravi Federacije BiH, platne liste za plaću sufinancirane osobe, uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačnih plaća za sufinanciranu osobu; te nakon provjere istih poslodavcima refundirati iznos od 250,00KM (ili 300,00KM ovisno o stručnoj spremi uposlenika) tijekom cijelog ugovornog perioda od 24 mjeseca.

Ministarstvo vrši nadzor nad realizacijom Programa upošljavanja putem pravdanja sredstava od strane općinskih službi. Nadzorom nad realizacijom navedenog Programa ustanovljeno je kako tri osobe nisu sklopile Ugovore o radu sa potencijalnom poslodavcima, te je nadležnim Službama braniteljsko-invalidske zaštite naloženo da izvrše povrat sredstava dodjeljenih za iste.

Ugovori o sufinanciranju samoupošljavanja –varijanta B člankom 2. naložili su korisnicima poticaja dostavu Specifikacije uz uplatu doprinosa poduzetnika (Obrazac 2002) do isteka ugovornog odnosa odnosno u trajanju od 24 mjeseca. Općinske službe braniteljsko-invalidske zaštite dužne su zaprimati navedene specifikacije, a u slučaju nedostavljanja iste od strane korisnika o istome odmah obavijestiti Ministarstvo.

Isplata predmetnih sredstava planirana je: po potpisivanju Ugovora (iznos od 3.000,00KM), u ožujku 2018.godine (iznos od 2.000,00KM), u lipnju 2018.godine (iznos od 2.000,00KM). Ministarstvo zadržava pravo nadzora nad provođenjem Programa, odnosno utroška sredstava iz ovog Ugovora i to: provjerom statusa sufinancirane osobe u bazi podataka Porezne uprave Federacije BiH kojom će se pratiti obveza održavanja registrirane djelatnosti i zapošljavanja u predviđenom roku, kontrolom izvještaja službi braniteljsko-invalidske zaštite općina, a prema potrebi i terenskom kontrolom provođenja ugovornih obveza kod korisnika.

Ugovori o sufinanciranju samoupošljavanja –varijanta A člankom 9. naložili su korisnicima dodjeljena sredstva utrošiti u skladu sa Izjavom o finansijskom učešću. Sužbe braniteljsko-invalidske zaštite dužne su po isteku perioda od 36 mjeseci od dana dobijenog poticaja dostaviti Obavijest JU Služba za zapošljavanje ZDK kojom će se tražiti brisanje korisnika poticaja sa evidencije nezaposlenih.

Ministarstvo zadržava pravo nadzora nad provođenjem Programa, a prema potrebi i terenskom kontrolom provođenja ugovorenih obaveza kod korisnika.

VII. ZAKLJUČNA RAZMATRANJA

Sredstva koja su u Proračunu 2017. godine odobrena na Transferu za poticaj zapošljavanja branilaca i članova njihovih porodica, ukupno su iznosila 1.300.000,00KM.

Kroz razmatrane programe utrošeno je:

- Program upošljavanja 456.250,00KM ili 35,10% raspoloživih sredstava, za 75 korisnika;
- Program samoupošljavanja varijanta A 132.000,00KM ili 10,15% raspoloživih sredstava, za 44 korisnika;
- Program samoupošljavanja varijanta B 578.000,00KM ili 44,46% raspoloživih sredstava, za 86 korisnika.

Pored gore navedenih Programa, Ministarstvo je odobravalo sredstva sa ovog transfera i po:

- Zaključku Vlade ZDK, kojim je odobreno učešće u Programu sufinansiranja zapošljavanja djece šehida i poginulih boraca Federalnog zavoda za zapošljavanje, za što je sa predmetnog transfera izdvojeno 100.000,00KM a za poticaj upošljavanja 52 korisnika;
- Programu utroška sredstava Proračuna Zeničko-dobojskog Kantona za 2017. godinu planiranih na razdjelu Ministarstva za braniteljska pitanja, a za namjenu drugih mjera poticaja upošljavanja zapošljavanja pomoć, za što je izdvojeno 8.700,00KM za 5 pripadnika braniteljske populacije.
- Programu utroška sredstava Proračuna Zeničko-dobojskog Kantona za 2017. godinu planiranih na razdjelu Ministarstva za braniteljska pitanja, a za namjenu sufinansiranja stručnih i/ili završnih ispita za što je izdvojeno 3.600,00KM za 2 pripadnika braniteljske populacije.

Ukupno je sa ovog transfera, a kroz Programe Ministarstva, odobrena pomoć za zapošljavanje 264 pripadnika braniteljske populacije. Ukupno je utrošeno 1.278.550,00 KM ili 98,35% raspoloživih sredstava.

Iz navedenoga je vidljiva i uspješnost ovih Projekata te potreba nastavka i razvoja istih u narednom periodu.

Zenica, 25.01.2018. godine

Ministar:

Fahrudin Čolaković